

uel è conuerso. h igitur in lineam  $AB$  reclinabitur: alioqui accide-  
ret partem esse maiorē suo  
toto, quod facile puto intel-  
ligi. Recessit autem à prio-  
ri loco secundum longitudi-  
nem  $AH$  retractam per infra-  
ctam lineam  $DFH$ , æqualem  
ipsi  $AD$ , eo interuallo quo di-  
metiens  $DEG$  excedit subten-  
sam  $DH$ . Et hoc modo per-  
ducetur  $HA$  ad  $D$  centrum, qđ  
erit in contingente  $DHG$  cir-  
culo,  $AB$  rectam lineam, dū  
uidelicet  $GD$  ad rectos angu-  
los ipsi  $AB$  steterit, ac deinde  
in  $B$  alterum limitem perue-  
niet, à quo rursus simili rati-

one reuertetur. Patet igitur è duobus motibus circularibus, &  
hoc modo sibi inuicem occurrentibus in rectam lineam motū  
componi, & ex æqualibus reciproci & inæqualem, quod erat  
demonstrandum. E quibus etiam sequitur, quod  $GH$  recta linea  
semper erit ad angulos rectos ipsi  $AB$ : rectum enim angulum in  
semicirculo  $DHG$  linea compræhendent. Et idcirco  $GH$  semis-  
erit subtendentis duplam  $AG$  circumferentiam, &  $DH$  altera se-  
mis subtrahentis duplum eius, quod superest ex  $AG$  quadran-  
tis circuli, eo quod  $AGB$  circulus duplus existat ipsi  $HGD$  secun-  
dum diametrum.

Inæqualitatis anticipantium æquinoctiorum & obli-  
quitatis demonstratio. Cap. v.



**I**AM ob causam uocare possumus motum hunc circu-  
li in latitudinem, hoc est in diametrum, cuius tamen  
periodum & æqualitatem in circumcurrente: at di-  
mensionem in subtenfis lineis accipimus, ipsum pro-  
pterea inæqualem apparere, & uelociorem circa centrum, ac tar-  
diorem

diorem apud circumferentiam facile demonstratur. Sit enim se-  
micirculus  $ABC$ , centrum eius  $D$ , dimetiens  $ADC$ , & secetur bifari-  
am in  $B$  signo: assumantur autem circumfe-  
rentiæ  $AB$ , &  $BF$  æquales, & ab  $FE$  signis  
in ipsam  $ADC$  perpendiculares agantur  $EG$ ,  
 $FK$ . Quoniam igitur dupla  $DK$  subtendit  
duplum  $BF$ , & dupla  $EG$  duplum ipsius  
 $AB$ : æquales igitur sunt  $DK$  &  $EG$ : sed  $AG$   
per septimam tertij elem. Euclidis, minor  
est ipsi  $GE$ , minor etiā erit ipsi  $DK$ . Æqua-  
li uero tempore pertransierunt  $GA$  &  $KD$ ,  
propter  $AB$  &  $BF$  circumferentiās æquales.  
Tardior ergo motus est circa  $A$  circumfe-  
rentiam quàm circa  $D$  centrū. Hoc demon-  
strato: Suscipiatur iam cētrum terræ in  $L$ ,  
ita ut  $DL$  recta linea sit ad angulos rectos  
ipsi  $ABC$  plano hemicycli, &  $p$  a signa describatur in  $L$  cētro cir-  
cumferentia circuli  $AMC$ , & in rectam lineā ducatur  $LDM$ . Erit id-  
circo in  $M$  polus hemicycli  $ABC$ , &  $ADC$  circularū sectio commu-  
nis, & coniungatur  $LA$ ,  $LC$ , similiter &  $LK$ ,  $LG$ , quæ extensæ in re-  
ctum secant  $AMC$  circumferentiā in  $NO$ . Quoniam igitur angu-  
lus qui sub  $LDK$  rectus est, acutus igitur qui sub  $LKD$ . Quare &  
 $LK$  linea longior est quàm  $LD$ , tanto magis in amblygonijs trian-  
gulis, latus  $LG$  maius est latere  $LK$ , &  $LA$  ipso  $LG$ . Centro igitur  
 $L$ , interuallo  $LK$  descriptus circulus, extra ipsam  $LD$  cadet: reliq̃s  
autē  $LG$  &  $LA$  secabit, describatur & sit  $PKRS$ . Et quoniā triangu-  
lum  $LDK$  minus est sectore  $LPK$ : triangulum uero  $LGA$  maius se-  
ctore  $LRS$ , & propterea minor ratio trianguli  $LDK$  ad sectorem  
 $LPK$ , q̃ trianguli  $LGA$ , ad sectorem  $LRS$ . Vicissim quoq̃ erit  
 $LDK$  triangulū ad  $LGA$  triangulū in minori ratiōe quàm sector  
 $LPK$  ad sectorē  $LRS$ , ac per primā sexti Elementorū Euclidis, si-  
cut  $LDK$  triangulū ad  $LGA$  triangulū: sic est basis  $DK$  ad basim  $A$   
 $G$ . Sectoris autē ad sectorē est ratio, sicut  $DLK$  angulus ad  $RLS$  an-  
gulū, siue  $MN$  circūferentiæ ad  $OA$  circumferentiā. In minori igitur  
ratione est  $DK$  ad  $GA$ , quàm  $MN$  ad  $OA$ . Iam uero demonstra-  
uimus maiorē esse  $DK$  quàm  $GA$ : tanto fortius igitur maior erit  
 $MN$ , quàm

